

Vorrede.

vnterlassen/ wie das etliche Büchsenmeister sich finden lassen/ wenn sie zu Zeug-
meistern befördert werden/ als dann die Kunst von den Stückgiessern erst lehren
müssen/ die ihnen billig solte zu gebieten haben/ Ist auff die weise/ als wenn der
Bock den Gärtner solte vnter weisen/ wie er den Garten solte pflanzen vnd zu-
richten? was meinstu/ solte der Bock nicht einen schönen Gärtner geben/ geden-
cke doch eins in dich selbst mein lieber Wintmeister/ den der Zeugmeister soll dem
Stückgiesser zu gebieten haben/ wie er die Stücke in ihre Zeug giessen soll/ vnd
nicht die Stückgiesser den Zeugmeistern/ weil keinem Stückgiesser zugelassen
werden soll/ die Stücke selbst zu beschiesen/ denn das soll von den verordneten
Zeugmeister geschehen. Nun findet man viel *authores*/ die von dieser löblichen
Kunst geschrieben/ aber da sie zum *fundament* schreiten sollen/ so gehen sie da her-
umb schleichen/ gleich wie die Kaze vmb den heissen Brey/ wiewol nicht alle/ son-
dern etliche davon. Ob sie sich nun solches nicht düssen vnter stehen/ oder ob sie es
nicht recht gelernet/ stelle ich an seinen ort/ Dieweil ich nun/ wie zuvor erwehnet/
von etlichen guthertzigen vornehmen Leuten ersuchet worden/ meine wissenschaft
von der Büchsenmeistery an den Tag zu bringen/ So mercke der günstiger Leser/
dieses Buch keiner andern vrsache halben von mir beschrieben/ vnd an den Tag
gegeben/ als daß die rechte Kunst vnd das *fundament* derselben müge herfür
leuchten/ vnd allen Liebhabern zum besten gereichen/ keines weges aber/ vmb nutz/
ehr/ oder ruhmb dadurch zu erjagen/ vnd habe wegen der kurzen Zeit diß erste
Theil auff dißmahl nachlassen wollen/ dieweil der Titul/ welches in Kupffer ge-
stochen von zwe Theilen meldung thut/ So hab ich aber auß grosser vrsach nicht
vmbgehen können/ in der kürze halben zu beschreiben/ weil daran nicht ein gerin-
ges gelegen ist. Vnd ist also diß Buch zu mehrer nachrichtung/ in drey Theil
abgetheilet vnd verfasst worden. Ist derowegen an Jedermänniglich/ die dieser
löblichen Kunst verwandt/ wie auch alle Liebhabende/ mein in gebühr dienst-
freund: vnd fleissiges bitten/ die wollen sich dieses mein geringes wolwertendes
trewherztaes Werck im besten *commendirt* vnd befohlen seyn lassen/ Vnd da ich
auß Menschlichem fehl worinnen geirret/ solches alles zum besten auß-
deuten. Thu hiemit den günstigen Leser in Gottes des Allerhö-
besten Schutz trewlich empfehlen. Gegeben in
Hamburg den 28 Maij/ 1618.



Ein